

明菩薩沙彌古吳智旭述

讚禮地藏菩薩懺願儀

佛陀教育基金會 印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

讚禮地藏菩薩懺願儀

明菩薩沙彌古吳智旭述

行者淨身口意。至尊像前。應念我及衆生。積迷造罪。無救無歸。大士洪慈。為歸為救。又念大士法身。及十方三寶。體常徧滿。無所不在。與我現前心性。平等無二。起深信解。如奉慈顏。敷具拱立。唱云。

一切恭敬。

一心頂禮十方常住三寶。

禮總已

是諸報等。各各胡跪。嚴持香華。如法供養。唱云。

願此香華雲徧滿十方界供
養一切佛尊法諸賢聖無邊
佛土中受用作佛事

至此停唱。燒香散華。至心想云。

一切佛法僧寶。體常徧滿。無所不在。願令以此香華等。同法性。普熏一切諸佛刹土。施作佛事。十方一切供具。無時不有。我今當以十方所有。一切種種香華瓔珞幢。幡寶蓋。諸珍妙飾。種種音樂。燈明燭火。飲食衣服。卧具。

湯藥。乃至盡十方所有。一切種種莊嚴供養之具。憶想
遙擬。普共衆生。奉獻供養。一切世界中。有修供養者。我
今隨喜。若未修供養者。願得開導。令修供養。又願我身
速能徧至一切刹土。於一一佛法僧所。各以一切種種
莊嚴供養之具。共一切衆生等持奉獻。供養一切諸佛。
法身色身舍利形像。浮圖廟塔。一切佛事。供養一切所
有法藏。及說法處。供養一切賢聖僧衆。願共一切衆生。
修行如是供養已。漸得成就。六波羅蜜。四無量心。深知
一切法。本來寂靜。無生無滅。一味平等。離念清淨。畢竟
圓滿。想已起云。

供養已。一切恭敬。

一禮已。次復合掌。
讚云。

南無地藏菩薩摩訶薩。以神通力。現聲聞像。是諸微妙功德。伏藏。是諸解脫珍寶出處。是諸菩薩明淨眼目。是趨涅槃。商人導首。如如意珠。雨衆財寶。隨所希求。皆令滿足。獎

行善者。猶如朗日。照失道者。
猶如明炬。除煩惱熱。如月清
涼。渡四流者。為作橋梁。趨彼
岸者。為作船筏。伏諸外道。如
師子王。降諸天魔。如大龍象。
護諸怖畏。如親如友。防諸怨

敵如漸如城。救諸危難。猶如
父母。藏諸怯劣。猶若叢林。令
諸有情。善根不壞。現妙境界。
令衆欣悅。勸發有情。增上慚
愧。求福慧者。令具莊嚴。能無
功用。轉大法輪。殊勝功德。不

能測量。久修堅固。大願大悲。
勇猛精進。過諸菩薩。於一食
頃。至心歸依。稱名念誦。禮拜
供養。能令一切。皆離憂苦。求
諸所願。速得滿足。安置生天。
涅槃之道。故我一心。歸命頂

禮。

讚已。一禮。添香。致敬。唱云。

一心頂禮。本師釋迦牟尼如

來。

拜下想云：能禮所禮性空寂。感應道交難思議。我此道場如帝珠。釋迦如來影現中。我身影現如來前。頭面接足歸命禮。下皆如此唯改佛名。

一心頂禮。過去師子奮迅具足萬行如來。覺華定自在王

如來。
如來。波頭摩勝如來。師子吼
一心頂禮。無邊身如來。寶性
清淨蓮華目如來。
一心頂禮。一切智成就如來。
如來。

一心頂禮。寶勝如來。寶相如
來。袈裟幢如來。大通山王如
來。

一心頂禮。淨月佛。山王佛。智
勝佛。淨明王佛。智成就佛。無
上佛。妙聲佛。滿月佛。月面佛。

如是等不可說諸佛如來。
一心頂禮。拘留孫佛。毗婆尸
佛等七佛如來。
一心頂禮。普光佛等五十三
佛如來。
一心頂禮。過去殑伽沙等諸

佛如來。
一心頂禮。忉利天宮十方集
會無量世界。不可說不可說
一切諸佛如來。
一心頂禮。未來淨住世界安
樂劫中無相如來。及十方三

世一切諸佛如來。

一心頂禮十方一切諸佛所
有色身舍利形像浮圖廟塔
一切佛事。

想云：諸佛法身如虛空。化事住世難思議。我皆影現
化事前。一一皆悉歸命禮。

一心頂禮地藏菩薩本願經。

大乘大集地藏十輪經。占察
善惡業報經。及十方三世一
切法藏。

總三禮想云：真空法界如虛空。常住法寶難思議。我
皆影現法寶前。莫不皆悉歸命禮。

一心頂禮文殊師利菩薩。財
首菩薩。定自在王菩薩摩訶

薩。想偈如佛。但改菩薩名字。下皆做此。

一心頂禮。無盡意菩薩。解脫
菩薩。普賢菩薩。摩訶薩。
一心頂禮。普廣菩薩。觀世音
菩薩。虛空藏菩薩。摩訶薩。
一心頂禮。好疑問菩薩。彌勒

菩薩。金剛藏菩薩。堅淨信菩
薩摩訶薩。
一心頂禮。十方三世一切菩
薩摩訶薩。
一心頂禮。憍陳那尊者。優婆
離尊者。目乾連尊者。一切聲

聞緣覺賢聖僧。

一心頂禮。忉利宮中。分身來

集地藏菩薩摩訶薩。

一心頂禮。大集會中。現聲聞

相地藏菩薩摩訶薩。

一心頂禮。占察經中善安慰

說地藏菩薩摩訶薩。

一心頂禮。入能發智定。地藏

菩薩摩訶薩。

一心頂禮。入具足無邊智定。

地藏菩薩摩訶薩。

一心頂禮。入具足清淨智定。

地藏菩薩摩訶薩。
一心頂禮。入具足慚愧智定。
地藏菩薩摩訶薩。
一心頂禮。入具足諸乘明定。
地藏菩薩摩訶薩。
一心頂禮。入無憂神通明定。

地藏菩薩摩訶薩。

一心頂禮。入具足勝通明定。

地藏菩薩摩訶薩。

一心頂禮。入普照諸世間定。

地藏菩薩摩訶薩。

一心頂禮。入諸佛燈炬明定。

地藏菩薩摩訶薩。

一心頂禮。入金剛光定地藏

菩薩摩訶薩。

一心頂禮。入智力難推伏定

地藏菩薩摩訶薩。

一心頂禮。入電光明定地藏

菩薩摩訶薩。

一心頂禮。入具足上妙味定。

地藏菩薩摩訶薩。

一心頂禮。入具足勝精氣定。

地藏菩薩摩訶薩。

一心頂禮。入上妙諸資具定。

地藏菩薩摩訶薩。

一心頂禮。入無諍智定。地藏

菩薩摩訶薩。

一心頂禮。入能引勝踊躍定。

地藏菩薩摩訶薩。

一心頂禮。入具足世路光定。

地藏菩薩摩訶薩。
一心頂禮。入善住勝金剛定
地藏菩薩摩訶薩。
一心頂禮。入增上觀勝幢定
地藏菩薩摩訶薩。
一心頂禮。入具足慈悲聲定

地藏菩薩摩訶薩。
一心頂禮。入引集諸福德定
地藏菩薩摩訶薩。
一心頂禮。入海電光定。地藏
菩薩摩訶薩。
一心頂禮。能入如是殫伽沙

等諸定成熟一切有情地藏
菩薩摩訶薩。

一心頂禮以諸定力除刀兵
劫地藏菩薩摩訶薩。
一心頂禮以諸定力除疫病
劫地藏菩薩摩訶薩。

一心頂禮。以諸定力除饑饉
劫。地藏菩薩摩訶薩。

禮竟。如前想偈畢。復作是念。

我及衆生。無始常為三業六根。重罪所障。不見諸佛。不知出要。但順生死。不知妙理。我今雖知。猶與衆生同為一切重罪所障。今對地藏十方佛前。普為衆生。歸命懺悔。惟願加護。令障消滅。

作是念已。胡跪唱言。

普為法界一切衆生悉願斷
除三障歸命懺悔。

唱已。五體投地。復作是念。

我與衆生。無始來今。緣愛見故。內計我人。外加惡友。不
隨喜他。一毫之善。惟徧三業。廣造衆罪。事雖不廣。惡心
徧布。晝夜相續。無有間斷。覆諱過失。不欲人知。不畏惡
道。無漸無愧。撥無因果。故於今日。深信因果。生重慚愧。
生大怖畏。發露懺悔。斷相續心。發菩提心。斷惡修善。勤
策三業。翻昔重過。隨喜凡聖。一毫之善。念十方佛。有大

福慧能救拔我。及諸衆生。從二死海。置三德岸。從無始
來。不知諸法。本性空寂。廣造衆惡。今知空寂。為求菩提。
為衆生故。廣修諸善。徧斷衆惡。惟願地藏。慈悲攝受。
作是念已。應起胡跪。唱言。

至心懺悔我弟子某甲與法界
衆生自迷法性枉受輪迴無
明覆心不知出要懷聰明慢
自實愚癡聞大乘法謬生空

解撥無因果。斷滅善根。遠離
正信。遠離正願。離正意樂。及
以正見。遠善知識。好處好時。
遠離淨戒。正定正慧。隨逐惡
友。起諸邪見。造身語意。無量
罪業。或復毀謗。大乘正法。或

復毀謗。獨覺乘法。或復毀謗。
聲聞乘法。障蔽隱沒。不令流
布。或復於彼諸佛弟子。若是
法器。若非法器。具戒破戒。下
至無戒。著片袈裟。剃鬚髮者。
多行忿恨。訶罵毀辱。譏刺誹

謗。隱善揚惡。以麤醜惡言。期尅
迫。惰打棒。傷害。侵奪衣鉢。侵
奪資生。絕其飲食。退令遠俗。
脫其袈裟。枷鎖繫縛。禁閉牢
獄。輕慢觸惱。令不安樂。奪奪
堵波。及僧祇物。十惡五逆。至

一闡提。乘此業緣。於無量劫。
墮諸惡趣。備歷三塗。受種種
苦。痛楚難言。設得值遇。無量
諸佛。及大菩薩。親承供養。發
露懺除。復更護持。無量道法。
修學無量。難行苦行。由彼業

障。有餘未盡。令我等輩。未能
證得。安樂涅槃。未能證得。三
摩地門。殊勝功德。今向
地藏菩薩摩訶薩。及諸佛世
尊。發大乘心。弘如來教。為令
此土。三寶種性。威德熾盛。久

住世故。為欲摧滅一切衆生。
堅固煩惱。令無餘故。與諸衆
生。復深慚愧。發露懺悔。求悉
消除。惟願十方諸大慈尊。及地
藏大士。哀愍覆護。濟拔我等。
令此罪

障。皆得除滅。永不復受。惡趣
苦果。我等今者。對世尊前。及
與大士。以至誠心。發真誓願。
從今以去。乃至菩提。常願不
遇。如是惡緣。決定不造。如是
重罪。終不毀謗。諸佛正法。亦

不觸惱。諸出家人。必不挑壞。
衆生法眼。亦不斷滅。三寶種
性。惟願
世尊。及與大士。攝受證知。所
發誓願。令我等早成十法。及
成十輪。獲得無罪。正路法忍。

於三乘法。若三乘人。及非法
器。得無誤失。於大乘法。昇進
無轉。利慧勝福。常得增長。於
一切定。諸陀羅尼。諸忍。諸地。
速得自在。常得值遇。諸善知
識。常得不離。見一切佛。及諸

菩薩聲聞弟子。不離聞法。不
離親近。供養衆僧。於諸善根。
常能精進。菩提行願。無厭足
心。先所造惡。摧壞散滅。速能
證得。無上法輪。善巧方便。成
熟衆生。皆令獲得。利益安樂。

或一說或三說起立唱云

懺悔發願已。歸命禮三寶。

一禮已。起立。正身運想。一切三寶。徧滿虛空。安坐法座。
一一迴身。如法旋遶。此身如影。音聲如響。普徧十方。上
供三寶。下警羣靈。勿令心散。和雅唱云。

南無十方佛。
南無十方法。

南無十方僧。

南無本師釋迦牟尼佛。

南無地藏菩薩本願經。

南無大乘集地藏十輪經。

南無占察善惡業報經。

南無地藏菩薩摩訶薩。

或三稱。或七稱。旋遶既畢。迴身至法座前正立。

舉讚

地藏大士。誓願宏深。明珠照
破鐵圍城。金錫振幽冥。花雨
繽紛。大地布陽春。南無地藏王菩薩摩訶薩。

三稱

迴向偈

禮懺功德殊勝行。
無邊勝福皆迴向。
普願沉溺諸有情。
速往無量光佛刹。
十方三世一切佛。
一切菩薩摩訶薩。

摩訶般若波羅蜜。

自皈依佛。當願衆生。體解大
道。發無上心。
自依法。當願衆生。深入經
藏。智慧如海。

自皈依僧。當願衆生。統理大
衆。一切無礙。和南聖衆。

再禮佛三拜。問訊畢。次至靜室。或念地藏菩薩名。或持
滅定業真言。或觀大士平等法身。或作唯心識等二種
觀道。唯信唯篤。則必能滅障。必證法忍矣。

讚禮地藏菩薩懺願儀終。

後序

嗚呼。大法久湮。人多謬解。執大滂小。舉世皆然。寧知地獄
衆苦。已隨其後。痾瘕疴報。復更難窮。故我地藏慈尊。
於大集會中。現希同相。而世尊廣歎勝德。且為之
較量云。假使有人。於彌勒妙吉祥。並觀自在菩薩。賢
之親。或伽沙等。大菩薩所。於百劫中。至心皈依。稱念。禮
供。求諸所願。不如有人。於一食頃。皈依。稱念。禮供。地藏。
以善菩薩。久修堅固。大願大悲。勇猛精進。過諸菩薩。故
也。蓋末世之中。篤言於大乘甚易。而躬行於僧外。實難。
寧知廣小。談大。在其大而亦非。悟大用小。在其小而亦大。

故法華誠弘經者必依四安樂。以涅槃極談常任佛性。尤扶戒律。今大士之功德獨盛。得非亦在此乎。智旭深恨風生惡習。少年刀誑三寶。造無間罪。賴善根未殞。得聞奉願尊經。知有出世大孝。乃轉邪見而生正信。仍以誘法修業。雖辛勤修證。不登法忍。每一展讀大士三經。輒不禁涕泗橫流。悲昔日之未知。感大士之拯救也。因念濁智流轉之日。與我同途過者不少。教宗十輪。並占察本願二典。述此儀法。庶幾共滌先愆。克求後果。不終為其依幻乎。未登其生正位。皆可修之。其福初心。與久學也。